

Аще кто не по Евангелию хошет, мы с такими не хошем погнбути, но спасаея и, спасет душу свою.

И вси святии отцы о отвержении мира писаши: иноком жити по Евангелию и по Апостолу и Великому Василию — сел не держати, ни владети ими, но жити в тишине и в безмолвии, питаея своима рукама. Аще ли не удовлимся сим, подобает от соборныя церкви, от церковнаго богатства питатися, или || у христороубцев милостыня приимати нужная, а не излишнее, ни сел, ни многоаго богатства (сие и мирским чюже есть — уповати на богатство, а не на бога), и не внимати человеческим обычаем, и сим поирати святая писания. Аще ли же не хранят своего обещаия, сим святая писания муками претят и огню вечному осуждают, и отступники их именуют, и проклятию предают. А се запрещение: Веруйте во Евангелии, вся елика заповедах вам. О отступницех глаголет: Мний наречется. Оле страшно не хранящим закона божия! Еже во псалмех глаголет: ^аСего ради не воскреснут нечестивии на суд, ни грешницы во свет праведных || — яко совесть господень путь праведных и путь нечестивых погнбнет.^б И паки рече: ^аЗаконопреступницы предо очима твоима, возненавидел еси творящая беззаконие, и погубиши вся глаголющая лжу.^в Потребит господь вся устыи живыи и язык велеречив.^г Беззаконницы же ижденутся и семя нечестивых потребится.^д Скончатся грешницы от земля и беззаконницы, яко не быти им.^е Запретил еси гордым, прокляти уклоняющеися от заповедей твоих.^ж И прочая во псалмех таковая о сих.

^аАще ли кто возглаголет: ^аПреже сего монастыри со землями жили, но несть тако. Но преже сего вси святии отцы начальницы || сел у монастырей не держали: ни Антоней, ни Пахомий Великий, ни Ларрион, ни Еуфимий Великий, ни Сава Освященный, ни Феодосий Великий, ни Аполоний Великий, ни Симеон Чюдотворец, иже на Дивней горе, ни Афанасий Афонский, ни Феодор Студиский, ни иные прежние начальницы сел у монастырей не имели. Аще кто и давал им села, и оне не имали, но жили безименно по Евангелию и по своему обещаию.

Тако же и Росиския земли здешнии начальницы и чюдотворцы, Антоние и Феодосие Печерский, иже в Киеве, и Сергей Радонежский, и Кирил Белоозерский, и Варлам Навгородский, || и Дмитрие и Дионисие Вологодские, и Ефросин Псковский — сел ко своим монастырем не имали, но своих учеников учили по Евангелию жити и по иноческому обещаию, но и паче запрещали им о сем своим писанием — в мирския ни в какия вступатися вещи.

О горе! Увы, преступих заповедия божия и отец своих учения села к монастырем емлют, и покупают, и владеют ими, и вся злая содеваются в них иноком, противна к заповедем божим. Ох, что будет в день судный! Едину заповедь преступит человек, мний наречется в царствии небеснем, а мний ино ничто же, разве мука вечная и геона || огненная. И во Апостоле, и во святых отец писании многа такова запрещенія обрещеши не хранящим заповеди божия.

Илариона Великаго. Красно есть воистинну и мнозе хвале достойно, иже видети мужа мира отрицающесея, и иже в мире красных и легких, и отмечающеи имениа, и бывающе иноку^а хулно же, и проклято видети мниха^б сан приемлюща и мирския строяща и богатство беруща; сего

^{а-г} Против этой фразы на поле тою же рукою, что и текст «Собрания», написано в 1-м псалме. ^{д-е} Напротив на поле тою же рукою написано в 5-м. ^{в-ж} Напротив на поле тою же рукою написано 11. ^{ж-з} Напротив на поле тою же рукою написано 36. ^{з-и} Напротив на поле тою же рукою написано 103. ^{и-к} Напротив на поле тою же рукою написано 118. ^{л-м} Напротив на поле тою же рукою написано зри. ^{н-о} Против этих слов на поле тою же рукою написано зри.